

庶物類纂

草屬
自八十二至八十五

容


第百廿四函


太政官文庫			
和書門	特別	一二三六二	類
	第	五	番
四六五	册	架	函



内閣文庫			
番號	和	32362	
册數	465(28)		
函號	特	54	1

五十七内

共廿







庶物類纂草屬卷之八十二目次

女蘿

白龍鬚

庶物類纂

草屬目次

女蘿

一名松蘿廣雅 一名樹衣山游記

女蘿

松蘿陶隱居云東山甚多生雜樹上而以松上者為真毛詩云葛音鳥與女蘿施于松上葛是寄生以桑上者為真不用松上者此互有異同爾今詳經云松蘿當用松上者嘉祐補註本草

按毛萇詩注云女蘿菟絲也吳普本草菟絲一名松蘿陶弘景謂葛是桑上寄生松蘿是松上寄生陸佃埤雅言葛是松柏上寄生女蘿是松上浮蔓又言在木為女蘿在草為菟絲鄭樵通志言寄生有二種大

曰蕙小曰女蘿陸璣詩疏言蕙絲蔓生草上黃赤如
 金非松蘿也松蘿蔓延松上生枝正青與蕙絲殊異
 羅願爾雅翼云女蘿色青而細長無襍蔓故山鬼云
 被薜荔兮帶女蘿謂青長如帶也蕙絲黃赤不相類
 然二者附物而生有時相結故古樂府云南山翠幕
 蕙絲花北陵青青女蘿樹由來花葉同一心今日枝
 條分兩處唐樂府云蕙絲故無情隨風任顛倒誰使
 女蘿枝而來強縈抱兩草猶一心人心不如草據此
 諸說則女蘿為松上蔓當以陸羅氏之說為的其

曰蕙絲者誤矣 明李東壁
本草綱目

蕙寄生也女蘿蕙絲松蘿也 毛傳

女蘿松蘿也 魏弭揖
廣雅

女蘿蕙絲其實二物也然皆附木上釋草云唐蒙女
 蘿女蘿蕙絲郭曰別四名則是謂一物矣廣雅云女
 蘿松蘿也兔丘蕙絲也則是兩物陸璣亦云今蕙絲
 蔓連草上正黃赤如金藥中蕙絲子是也非松蘿松
 蘿自蔓松上生枝正青與蕙絲殊異以予考之誠然
 今女蘿正青而細長無雜蔓故山鬼章云被薜荔兮

帶女蘿，蘿青而長如帶也。何與菟絲事，然兩者皆附木，或當有時相蔓。古樂府云：南山幕幕菟絲花，北陵青青女蘿樹。由來花樹同一根，今日枝條分兩處。唐樂府亦云：菟絲故無情，隨風任傾倒。誰使女蘿枝，而來強縈抱。兩草猶一心，人心不如草。則古今多知其為一物者。博物志：魏文帝所記諸物相似亂者，女蘿寄生菟絲，菟絲寄生木上，根不著地。然則女蘿有寄生菟絲上者，釋草：女蘿，菟絲，或亦此義。爾雅：菟絲，按菟絲名，女蘿，爾雅所云是也。松蘿亦名女蘿。博雅

宋羅願爾雅翼

及本草所云是也。古詩云：與君為新婚，菟絲附女蘿。李善云：二者異草，毛公誤合為一。此詩女蘿施松，自是松蘿耳，與菟絲了無涉。釋文云：在草曰菟絲，在木曰女蘿，亦非。蓋菟絲亦蔓延于木也。明馮復京六家詩名物疏正義曰：菟釋草無文，寄生者毛以時事言之耳。陸璣疏云：菟一名寄生，葉似當盧子，如覆盆子，赤黑甜美。釋草云：唐蒙女蘿，菟絲，毛意以菟絲為松蘿，故言松蘿也。陸璣疏云：今菟絲蔓延草上，生黃赤如金，今合藥，菟絲子是也，非松蘿。松蘿自蔓松上，枝正青

與菟絲殊異事或當然

明屠本峻毛詩纂疏

山高不聞鳥聲忽格磔數聲出松間問僧何鳥曰此松鷄也地上多松毳纒如鷄子而色青僧曰此即松鷄所啄而墜地者行二里至龍華寺夾道皆古木木杪有絲飄蕭下垂如綠髮長數尺許土人謂之樹衣登山者多取而佩之


○明謝東山游鷄足山記
○明何鏗游名山記

白龍鬚

白龍鬚


劉松石保壽堂方云白龍鬚生近水旁有石處寄生
搜風樹節乃樹之餘精也細如椶絲直起無枝葉最
難得真者一種萬纏草生于白線樹根細絲相類但
有枝莖稍粗為異誤用不效愚案所云二樹名皆隱
語無從攷證明李東壁
本草綱目

保壽方云成化十二年盧玄真道士六十七歲六月
偶得癰瘻服白花蛇丸牙齒盡落三年扶病入山得
此方服百日復舊壽至百歲乃卒凡男婦風溼腰腿



痛先服小續命湯及滲漉湯后乃服此凡女人產後
腰腿腫痛先服四物湯二服次日服此若癱瘓年久
痰老氣微者服前藥出汗三日之後則日服龍鬚末
一分好酒下隔一日服二分又隔一日服三分又隔
一日服四分又隔一日服五分又隔一日復從一分
起如前法周而復始至月餘其病漸愈謂之升陽降
氣調髓蒸骨追風逐邪排血安神忘房事魚鳶雞羊
韭蒜蝦蟹及寒冷動風之物又不可過飲酒及麪食
只宜米粥蔬菜同上

白龍鬚色青白有節者真有一種色黃如細絲一種
及一二尺餘如草木之根皆偽也明李中立
本草原始



庶物類纂草屬卷之八十三目次

黃絲草

黃絲草

一名唐爾雅一名蒙同上一名女蘿同上一名菟絲
 一名玉女同上一名菟蘆神農本草一名菟縷醫名
 一名赤網同上一名菟纍同上一名火燄草草本
 一名金線草同上一名無根藤證治一名野
 狐絲酉陽雜俎

俗名烏施那索胡迷莫近江州

黃絲草

唐蒙女蘿女蘿菟絲爾雅

別四名詩云爰采唐矣晉郭璞爾雅註

孫炎曰別三名郭云別四名則唐與蒙或并或別故

三四異也詩經直言唐而傳云唐蒙也是以蒙解唐

也則四名為得下云蒙玉女郭云即唐也是又名玉

女然則唐也蒙也女蘿也菟絲也玉女也凡五名詩

類弁云焉與女蘿毛傳云女蘿菟絲陸璣云今菟絲

蔓連草上生黃赤如金今合藥菟絲子是也註詩云

爰采唐矣，靡風桑中篇文也。宋邢昺爾雅疏

即菟絲也。此有四名。宋鄭夾漈爾雅註

菟絲子，陶隱居云：宜丸，不宜煮。田野墟落中甚多，皆浮生，藍紵麻蒿上。舊言下有茯苓，上生菟絲。今不必爾。其莖接以浴，小兒療熱癩。音沸用其實，先須酒漬之一宿。仙經俗方竝以為補藥。臣禹錫等謹按：呂氏春秋云：或謂菟絲無根也。其根不屬地。茯苓是也。抱朴子云：菟絲之草下有伏兔之根，無此兔則絲不得生於上。然實不屬也。又內篇云：菟絲初生之根，其形似

兔，握取割其血，以和丹服之，立變化。藥性論云：菟絲

子君能治男子女人虛冷，添精益髓，去腰疼膝冷，久

服延年，駐悅顏色。又主消渴熱中，日華子云：補五勞

七傷，治鬼交泄精尿血，潤心肺。苗莖似黃麻線，無根

株多附田中草被纏死，或生一叢如席，闊開花結子，

不分明，如碎黍米粒。八月九月已前採。嘉祐補註本草

菟絲子生朝鮮川澤田野，今近京亦有之。以冤句者

為勝。夏生苗如絲，綠蔓延草木之上。或云無根，假氣

而生。六七月結實，極細如蠶子，土黃色。九月收採暴

乾得酒良其實有二種色黃而細者名赤網色淺而大者名菟纍其功用竝同謹按爾雅云唐蒙女蘿女蘿菟絲釋曰唐也蒙也女蘿也菟絲也一物四名而本經并以唐蒙為一名又詩云葛與女蘿毛傳云女蘿菟絲也陸璣云今合藥菟絲也而本經菟絲無女蘿之名別有松蘿條一名女蘿自是木類寄生松上者亦如菟絲寄生草上豈二物同名本經脫漏乎又書傳多云菟絲無根其根不屬地今觀其苗初生纔若絲遍地不能自起得他草梗則纏繞隨而上生其

根漸絕於地而寄空中信書傳之說不謬矣然云上有菟絲下有茯苓茯苓抽則菟絲死又云菟絲初生之根其形似兔掘取剖其血以和丹服之今人未見其如此者豈自一類乎仙方多單服者取實酒浸暴乾再浸又暴令酒盡篩末酒服久而彌佳兼明目其苗生研汁塗面斑神效
本草圖經
菟絲子附叢木中即便蔓延花實無綠葉此為草中之異其上有菟絲下有茯苓之說未必耳已於茯苓條中具言之
宋寇宗奭本草衍義

毛詩註女蘿即菟絲吳普本草菟絲一名松蘿陸佃
言在木為女蘿在草為菟絲二物殊別皆由爾雅釋
詩誤以為一物故也張揖廣雅云丘菟絲也女蘿
松蘿也陸璣詩疏言菟絲蔓草上黃赤如金松蘿蔓
松上生枝正青無雜蔓者皆得之詳見木部松蘿下
又菟絲茯苓說見茯苓下明李東璧
本草綱目
按寧獻王庚辛玉冊云火燄草即菟絲子陽草也多
生荒園古道其子入地初生有根及長延草物其根
自斷無葉有花白色微紅香亦襲人結實如豌豆而

細色黃生于梗上尤佳惟懷孟林中多有之入藥更

良同上

盧子由先生曰癸亥七月過烟霞嶺望林樹間有若
赤網籠幕者有若青絲覆草者又有青赤相間者以
詢山叟曰赤網即菟絲青絲即女蘿因憶古樂府所
謂南山幕幕菟絲花北陵青青女蘿樹者是矣青赤
相間者即蘿菟交互唐樂府所謂菟絲故無情隨風
任顛倒誰使女蘿枝而來強縈抱者是矣但女蘿藤
類細長而無雜蔓菟絲蔓類初夏吐絲不能自舉隨

風傾倒，縈草者則不經久。若傍松柏及他樹，則延蔓四布，宛如經緯。根或絕地，嘗寄生空中，質輕揚，不損本樹之精英。夏末作花，赤色而無葉，隨亦結實。實或著樹間，次年隨在吐絲，不下引也。雷氏謂稟中和以凝正陽之氣，得其性矣。如內經陰陽內外互交之機，惟菟絲有焉。明倪朱謨本草彙言

人或謂菟絲無根，菟絲非無根也。其根不屬也。伏苓

是。呂氏春秋

兔丘菟絲也。魏張揖廣雅

女蘿，今菟絲。蔓連草上，生黃赤如金。今合藥，菟絲子

是也。非松蘿。松蘿自蔓松上，生枝正青，與菟絲殊異。

唐陸璣毛詩草木鳥獸蟲魚疏

謹按菟絲、松蘿俱有女蘿之名，而其種各異。諸書

因其偶同名，遂致紛糾，以不明。

野狐絲，庭有草，蔓生，色白，花微紅，大如粟。秦人呼為

狐絲。唐段成式酉陽雜俎

菟絲子多近棘及藿山居者，疑二草之氣類也。同上

菟盧，即菟絲也。色黃而細者為菟絲，一名菟縷。一名

唐一名蒙一名女蘿一名玉女一名赤網麤而色淺者為菟盧盧亦縷也一名菟纍纍者繩索之意也唐顏

師古急就篇注

龜筮傳曰下有茯苓上有菟絲下有靈龜上有叢菁考茯苓千歲松脂也菟絲因之生其上而無根呂氏春秋曰或謂菟絲無根非無根也其根不屬地茯苓是也然則菟絲蓋受氣於茯苓以生故曰茯苓掘菟絲死葛稚川乃云菟絲之草下有伏兔之根無此兔則絲不得生於上又曰菟絲初生之根其形似兔掘

取割其血以和藥然則非伏苓比矣今言枸杞者亦云其根久而有物如狗又云人參之下其狀如人蓋草木積久精華所成略有形象古人名物亦具有其義故伏苓亦名伏兔謂伏苓者云形如鳥獸龜鼈者良又云似人龜鳥形者佳是不專似兔也又今菟絲田野墟落中甚多皆浮生藍紵麻蒿上不必皆有伏苓也一名唐蒙詩爰采唐矣以刺男女相奔期於幽遠者唐則采藥麥則采穀對則采菜多為名以來遠適又唐蒙浮游無根之物蓋逐之而不反矣宋羅願爾雅翼

菟絲曰菟蘆曰菟縷曰唐蒙曰玉女曰赤網曰菟纍
曰女蘿爾雅曰唐蒙女蘿女蘿菟絲又曰蒙玉女詩
曰葛與女蘿施于松上草經曰蔓延草木之上色黃
而細曰赤網色淺而大曰菟纍淮南子注云菟絲生
茯苓上故世言下有茯苓上有菟絲又言菟絲初生
之根其形似兔掘取割其血和丹服之立變化今皆
不然茯苓生山谷菟絲生人間清濁異趣何由同居
宋鄭夾深昆
蟲草木略
予族子相少服菟絲子凡數年所服至多飲食倍常

氣血充盛忽因浴去背垢背覺腫急視之隨視隨長
赤嫩異常蓋大疽也適四五月間金銀藤開花時乃
大取依良方所載法飲至兩日至數斤背腫消盡以
此知非獨金石不可妄服菟絲過餌亦能作疽如此
不可不戒宋陸游老
學菴筆記
藥有至賤易得人所常用而難於修製者如香附子
菟絲子艾葉之類醫家昧其節度或終日疲勞而不
能成本草云凡菟絲子煖湯淘汰去沙土澆乾煖酒
漬經一宿澆出暴微白搗之不盡者更以酒漬經三

五日乃出更曬微乾搗之須更悉盡極易碎蓋以其
顆細難施工其說亦殊勞費然自有捷法但搥紙條
數枚寘其間則剮帖成粉香附子洗去皮毛炒之焦
熟然後舉投水鉢內候浸漬透徹漉出暴日中微燥
乃入搗臼悉應手糜碎艾葉柔軟不可着力若入白
茯苓三五片同碾則即時可作細末宋洪邁容齋四筆
野狐絲多蔓生于閒庭幽砌色白花微紅大如粟米
然宋王方慶園林草木疏
菟絲子未嘗與茯苓相共種類分明不相干涉女蘿

附松而生遂成訛而言也元朱震亨本草衍義補遺

菟絲一名縷一名藥一名蘆一名丘一名
女蘿一名赤網一名玉女一名唐蒙一名火燄草一
名野狐絲一名金線草蔓生處處有之以寃句者為
勝生懷孟及黑豆上者入藥更良夏生苗色紅黃如
金細絲遍地不能自起得草梗則纏繞而生其子入
地初生有根及長延草物其根自斷無葉有花白色
微紅香亦襲人結實如批豆而細色黃生於梗上味
辛甘平無毒主續絕傷補不足堅筋骨添精益髓養

肌強陰去腰痛膝冷瀉精尿血溺有餘瀝久服去面
黦悅顏色如明王蓋臣二
如亭羣芳譜

案本草草部有菟絲木部有松蘿松蘿一名女蘿性
味及所生全別爾雅云女蘿菟絲故毛公有類者弁
傳云女蘿菟絲松蘿也陸璣駁之以為二物殊異予
謂此非爾雅之誤乃毛公之誤也草木多有名同實
異者菟絲名女蘿松蘿亦名女蘿小雅所稱之女蘿
正是松蘿非菟絲也書傳言菟絲根不屬地是也淮
南子云下有茯苓上有菟絲鄭漁仲云茯苓生山谷

菟絲生人間清濁異趣何由同居抱朴子言菟絲初
生根似兔今亦未有見者故圖經疑為別種明馮復
京六家

釋草云唐蒙女蘿女蘿菟絲舍人曰唐蒙名女蘿女
蘿又名菟絲孫炎曰別三名郭璞曰別四名則唐與
蒙或弁或別菟絲又名松蘿釋草云蒙玉女孫炎曰
蒙唐也一名菟絲一名玉女通松蘿玉女為六名明
本峻毛
詩纂疏

唐一名蒙一名女蘿作藤生而細其長如帶根不著

地附木而生釋草云唐蒙女蘿女蘿菟絲舍人曰唐蒙名女蘿女蘿又名菟絲孫炎曰別三名郭璞曰別四名則唐與蒙或并或別故三四異也以經直言唐而傳言唐蒙也類弁傳曰女蘿菟絲松蘿也則又名松蘿矣釋草又云蒙玉女孫炎曰蒙唐也一名菟絲一名玉女則通松蘿玉女為六名毛意以菟絲為松蘿故言松蘿也陸璣云今菟絲蔓連草上生黃赤如金今合藥菟絲子是也非松蘿松蘿自蔓松上生枝正青而與菟絲殊異事或當然廣雅云女蘿松蘿也

菟丘菟絲也亦分為兩物博物志魏文帝所記諸物相似亂者女蘿寄生菟絲菟絲寄生木上根不著地然則女蘿有寄生菟絲上者釋草女蘿菟絲或亦此義爾明吳元化詩經鳥獸草木攷

山谷與王子均書云承示尊體多不快亦是血氣未定時失調護耳某二十四五時正如此因服菟絲子遂健啖耐勞此方久服不令人上壅服三兩月其啖物如湯沃雪牛歲則大肥壯矣若覺氣壅則少少服麻仁丸某嘗傳此法與京西李大大夫服不輒啜物作

勞如少年人也服菟絲子法菟絲子不拘多少用水淘淨研為細末焙乾用好酒一升浸三日許日中曬乾時時翻令溼盡酒薄攤曝乾貯甕器中每日空心抄一匙溫酒吞下則飲食大進山谷刀筆○明俞弁續醫說


菟絲藤即無根藤明王百堂證治準繩

祕方菟絲子一味醋浸一宿焙乾為末發熱時每一歲兒服七分分量兒大小加減好酒調服甚易發易脹易蠶且後無餘證此方氣血弱者未出之先可用既出之後不可用用則托出太多此方係胡黃谷祖仰

山公宦遊廣東得之用者百發百中但元氣厚者服之不免太密乃大補助火故也或曰痘未出之先既可服此又奚取於保嬰丹乎殊不知保嬰以解毒而使之稀此則氣血弱不能出者服此而托之使出也同上

菟絲子草一名黃絲草明丁元薦先醒齋筆記

菟絲子與天碧草子絕相似但天碧草子味酸澀並黏不入藥宜慎之治菟絲入絲條數枚則易碎萬曆杭州府志



菟絲子苗名黃絲草吳縣志

菟絲子初生若絲得他草梗纏繞而上呂氏春秋曰其根不著地菝苓是也江陰縣志

藤蘿一名女蘿在木上者一名菟絲在草上者但其

枝蔓軟弱必須附物而長其花黃赤如金結實細而

繁冬則萎落清陳湜子秘傳花鏡

菟絲子本經名菟蘿辛甘平無毒酒煮搗爛作餅焙乾用

雷公曰凡使勿用天碧草子真相似只是味酸澀並黏也菟絲最難得真有人以子種出皆水犀草今藥

肆所賣但係此類然服亦有微功不似假石蓮子之

大苦大寒大傷胃氣伐人中天元也至賤之物尚爾若

此況珍貴之品能無偽乎清張璐本經逢原

菟絲子盧之頤曰菟從兔性相類也服月魄以長生

陽陰體陰陽用也爾雅釋詩誤以女蘿菟絲為一物

二名而後賢已訂其為二矣憶昔年七月過煙霞望

林樹間有若赤網籠幕者有若青絲覆罩者又有青

赤相間者以訊山叟曰赤網即菟絲青絲即女蘿因

憶古樂府所謂南山霧幕菟絲花北陵青青女蘿樹

者是矣青赤相間者即蘿菟交互唐樂府所謂菟絲故無情隨風任顛倒誰使女蘿枝而來強縈抱者是矣但女蘿藤類細長而無雜蔓菟絲蔓類初夏吐絲不能自舉隨風傾倒縈草者則不經久若傷松柏及他樹則延蔓四布宛如經緯根或絕地亦寄生空中質輕揚不損本樹之精英反若得之而花葉倍繁於昔夏末作花赤色而無葉隨亦結實實或著樹間次年隨在吐絲不下引也雷公謂稟中和以凝正陽之氣得其性矣內經云陽在外陰之使也陰在內陽之

守也交互之機惟菟絲有焉設內無陰則纖微之物安能受氣以生誠得陰陽內外之樞紐故主陰陽之氣不足以著絕傷益氣之力致肌肉若一成肥健人矣
清劉若金
本草述

庶物類纂
卷之八十四

庶物類纂草屬卷之八十四目次

天門冬

庶物類纂
卷之八十四

草屬目次

天門冬

一名鬢爾雅 一名顛上同 一名商棘郭璞
 名女木廣雅 一名顛勒神農本草 一名顛刺嘉祐
 一名浣草上同 一名棘刺上同 一名地門冬上同
 名筵門冬上同 一名淫羊食上同 一名管松上同
 名萬歲藤救荒本草 一名娑羅樹上同 一名天棘草本
 綱目 一名多子肇慶志 一名倒掛刺上同 一名萬
 年藤花鏡

本草綱目卷之六十一

草屬 天門冬 一

天門冬

髦顛棘爾雅○髦音棘

細葉有刺蔓生一名商棘廣雅云女木也晉郭璞爾雅註

髦一名顛棘一名商棘廣雅云女木也郭云細葉有

棘蔓生宋邢昺爾雅疏

髦顛棘音棘大戟也一名女木宋鄭夾際爾雅註

天門冬陶隱居云奉高泰山下縣名也今處處有以

高地大根味甘者為好張華博物志云天門冬逆將


有逆刺若葉滑者名締體一名顛棘可以浣縑素白

如紙音越 紵類 金城人名為浣草 擘其根溫湯中投之以
浣衣勝灰此非門冬相似爾按如此說今人所採皆
是有刺者本名顛勒亦粗相似以浣垢衣則淨桐君
藥錄又云葉有刺蔓生五月花白十月實黑根連數
十枚如此殊相亂而不復更有門冬恐門冬自一種
不即是浣草耶又有百部根亦相類但苗異耳門冬
蒸剝去皮食之甚甘美止飢雖暴乾猶脂潤難擣必
須薄切暴於日中或火烘之也俗人呼苗為棘刺煮
作飲乃宜人而終非真棘刺爾服天門冬禁食鯉魚

唐本注云此有二種苗有刺而澀者無刺而滑者俱
是門冬俗云顛刺浣草者形貌詔音之雖作數名終
是一物二根浣垢俱淨門冬浣草互名之也今按陳
藏器本草云天門冬陶云百部根亦相類苗異耳按
天門冬根有十餘莖百部多者五六十莖長尖內虛
味苦天門冬根圓短實潤味甘不同苗蔓亦別如陶
所說乃是同類今人或以門冬當百部者說不明也
臣禹錫等謹按爾雅云蔞藟冬注云門冬一名滿
冬音 抱朴子云或名地門冬或名筵門冬或名巔

棘或名淫羊食或名管松其生高地根短味甜氣香者上其生水側下地者葉細似蘊而微黃根長而味多苦氣臭者下亦可服食然善令人下氣為益又遲也服之百日皆丁壯兼倍駛於求及黃精也入山便可蒸若煮啖之取足以斷穀若有力可餌之亦作散并搗絞其汁作液以服散尤益嘉祐補註本草
天門冬生奉高山谷今處處有之春生藤蔓大如釵股高至丈餘葉如茴香極尖細而疎滑有逆刺亦有澀而無刺者其葉如絲杉而細散皆名天門冬夏生

白花亦有黃色者秋結黑子在根枝傷入伏後無花暗結子其根白或黃紫色大如手指長二三寸大者為勝頗與百部根相類然圓實而長一二十枝同撮二月三月七月八月採根四破之去心先蒸半炊間暴乾停雷久仍溼潤入藥時重炕焙令燥洛中出者葉大幹麤殊不相類嶺南者無花餘無他異謹按天門冬別名爾雅謂之薜亡彼切一名薺與門同冬山海經云條谷之山其草多芍藥薺冬是也抱朴子及神仙服食方云天門冬一名顛棘在東嶽名淫羊藿在



中嶽名天門冬在西嶽名管松在北嶽名無不愈在南嶽名百部在京陸山阜名顛棘雖處處皆有其名不同其實一也在北嶽地陰者尤佳欲服之細切陰乾搗下篩酒調三錢七日五六進之二百日知可以強筋髓駐顏色與鍊成松脂同蜜丸益善服者不可食鯉魚此方以顛棘為別名而張茂先以為異類博物志云天門冬莖間有刺而葉滑者曰締休一名顛棘根以洗縑素令白越人名為洗草似天門冬而非也凡服此先試洗衣如法者便非天門冬若如所說

則有刺而葉滑便不中服然今所有往往是此類用者須詳之本草圖經

天門冬麥門冬之類雖曰去心但以水漬漉使周潤滲入肌俟軟緩緩擘取不可浸出脂液其不知者乃以湯浸一二時柔即柔矣然氣味都盡用之不效乃曰藥不神其可得乎治肺氣之功為多其味苦但專泄而不專收寒多禁人服餘如二經宋寇宗奭本草衍義天門冬生苗時亦可以沃地栽種子亦堪種但晚成

明李東璧
本草綱目

天門冬今江浙人以蜜糖蒸浸作果甚美明倪朱謨本草彙言

天門冬種植正二月取苗種肥地中每根相去二尺

餘不得稠不久其根甚茂若取根即留一分小者卻

栽時常上糞有草即耘此物甚難種若都摘了恐不

活種子即成亦晚明王蓋臣二如亭羣芳譜

天門冬俗名萬歲藤又名娑羅樹本草一名顛勒或

名地門冬或名筵門冬或名巔棘或名淫羊食或名

管松生奉高山谷及建州漢州今處處有之春生藤

蔓大如釵股長至丈餘延附草木上葉如苗香極尖

細而疎滑有逆刺亦有澀而無刺者其葉如絲杉而

細散皆名天門冬夏生白花亦有黃花及紫花者秋

結黑子在其根枝傷入伏後無花暗結子其根白或

黃紫色大如手指長二三寸大者為勝其生高地根

短味甜氣香者上其生水側下地者葉細似蘊而微

黃根長而味多苦氣臭者下亦可服味苦甘性平大

寒無毒垣衣地黃及貝母為之使畏曾青服天門冬

誤食鯉魚中毒薄萍解之救飢採根換水浸去邪味

去心煮食或曬乾煮熟入蜜食明徐光啓農政全書

本草綱目卷之四十四

敵木亂門冬晉張華博物志

謹按一本木作休

百部似門冬同上

鬣顛棘釋曰一名商棘廣雅云女木也考郭云細葉
有棘蔓生按本草天門冬一名顛勒道家方云天門
冬一名顛棘在東嶽名淫羊藿在中嶽名天門冬在
西嶽名管松在北嶽名無不愈在南嶽名百部在京
陸山阜名顛棘雖處處皆有其名各異其實一也張
華博物志云莖間有刺而葉滑者名曰絺休一名顛

棘根以洗縑素白越人名爲洗草似天門冬而非也
凡服此先試洗衣如法者便非天門冬按此說則顛
棘刺而滑可洗衣與天門冬異而圖經曰天門冬春
生藤蔓大如釵股高至丈餘葉如茴香極尖細而疎
滑有逆刺亦有澀而無刺者其葉如絲杉而細散皆
名天門冬是滑而有刺者亦門冬也蓋兩者皆門冬
而有刺者別名顛棘耳棘即刺也列仙傳赤頂子食
天門冬齒落更生細髮復出甘始服之在人間三百
餘年杜子微服之御妾多子日行三百里宋羅願爾雅翼

本草綱目卷之四十四

草屬 天門冬 七

杜詩云江蓮搖白羽天棘夢青絲下句殊不可曉說者曰天棘柳也或曰天門冬也夢當作弄既無考據意亦短淺譚浚明嘗為余言此出佛書終南長老入定夢天帝賜以青棘之香蓋言江蓮之香如所夢天棘之香爾此詩為僧齊己賦故引此事余甚喜其說然終未知果出何經近閱葉石林過庭錄亦言此句出佛書則浚明之言宜可信宋羅大經鶴林玉露

天棘夢青絲洪覺範 天棘作柳高秀實云天棘天門冬也當以秀實之言為正顛天聲相近又酷似

青絲又江南徐鉉家本云天棘蔓青絲 蔓生如青絲尤見是天門冬秦州詩云無風雲出塞不夜月臨關無風雲動不夜而月當細思之句法至此古今一人而已宋許彥周詩話

王仲正言老杜詩江蓮搖白羽天棘蔓青絲天棘非煙雨自是一種物曾見于小說今忘之高秀實曰天棘天門冬也一名顛棘非天棘也王元之詩曰水芝臥玉腕天棘舞金絲則天棘蓋柳也宋釋惠洪冷齋夜話

學林新編曰天棘蔓青絲今蔓為蓋天門冬亦

名天棘其苗蔓生纏竹木上葉細如青絲寺院庭檻
中多好植之可觀後人既 蔓為 天棘為柳
皆非也茗溪漁隱曰余按本草載抱朴子曰天門冬
或名巔棘即不云或名天棘冷齋學林二說遂以天
棘為天門冬何也其引王元之詩曰天棘蔓金絲又
以天棘為柳不知亦何所據耶少陵詩總目云天棘
蔓青絲之句最疑學者或曰梵語名柳為天棘又近
傳號東坡杜詩事實一篇更以王逸少詩曰湖上春
風舞天棘為證因悟蔓字乃 舞字之訛 況以上

句考之政應用一草木為對偶非有奧義也 宋胡仔
漁隱叢

話前集

杜詩江蓮搖白羽天棘蔓青絲鄭樵云天棘柳也此
無所據杜撰欺人耳且柳可言絲 在初春若茶瓜
留客之日江蓮白羽之辰必是深夏柳已老葉陰濃
不可言絲矣若夫蔓云者可言菟絲王瓜不可言柳
此俗所易知天棘非柳明矣按本草索隱云天門冬
在東嶽名淫羊藿在南嶽名百部在西嶽名管松在
北嶽名顛棘顛與天聲相近而互名也此解近之
楊明

升菴文集

外臺祕要天門冬釀酒初熟微酸久停則香諸酒不及蔡侍郎衡仲嘗試釀之果成美醞同上

山海經小涇之山有草名商赤莖白華如顛冬也顛冬天門冬也同上

天門冬春生藤蔓大如釵股高至丈餘葉如茴香極尖細而疎滑有逆刺根大如指長二三寸一二十枚

同撮八閩通志

天門冬蔓生有逆刺花如茴香結根如指泉州府志

天門冬山海經所謂薺冬爾雅曰髦顛棘郭璞註曰

細葉有刺蔓生杜詩天棘蔓青絲即此汀州府誌

天門冬俗呼多子孀莖間有棘刺蔓附木生葉細如

絲俗又呼萬歲藤言服之可長生也一名顛棘子百

十綴根南中蜜煮用之肇慶府志

天門冬葉似茴香蔓生有刺雷州府志

天門冬杜詩謂天棘抱朴子謂顛棘服補精力寧洋縣志

天門冬春生藤蔓葉如茴香極尖細而疎滑有逆刺

亦有澀而無刺者其葉如絲杉而細散其根大如手

指長可二三寸一二十枚同叢二三七八月皆可採
按本草味苦甘平大寒無毒注云補虛勞治肺氣止
渴去熱風可去皮心入蜜煮之食後服若曬乾為末
入蜜丸尤佳又云擘其根溫湯中按之以洗衣勝灰
亦用洗面甚佳又云寒多人禁服又云天門冬忌食
鯉魚或誤食而中其毒浮萍解之邵武府志
萬歲藤土名倒掛刺可作杖近年須索者多難得佳
者天台山方外志
天棘天薺冬也○王仲正言老杜詩江蓮搖白羽天

棘蔓青絲高秀實曰天棘天門冬冷齋曰天門冬一
名顛棘非天棘也王元之詩水芝臥玉腕天棘舞金
絲智所見天門冬幹如指大枝弱下垂葉細似胡蘆
葩南人庭種而架之苗可茹則蔓青絲正是天門冬
今綱目亦增天棘萬歲藤抱朴子曰天冬在東岳曰
淫羊藿西岳曰管松北岳曰無不愈南岳曰百部其
治肺者以根多又一百部也草茂為薺省為門耳徐
渭以天棘為檉柳則漁仲說也或同名耳明方以智通雅
天門冬其功與麥冬同赤松子食之益更細髮復出
甘始食之在人間三百餘年補益之功莫大

本草綱目卷之十四
草屬 天門冬 十一

兗州溫州出山谷俱生肥地其根易茂夏秋取根須
雷一分小者隨即栽之不時上上糞耘草清石巖逸叟
書增定致富奇

天棘一名萬歲藤葉如綠絲同上

萬年藤一名天棘生於金陵牛首山及浙之東天目
係晉魏至今者其本大如桶葉如綠絲古致不同誠
神物也春間根旁嫩苗可以分植清陳誤子
秘傳花鏡

或疑天門冬性雖寒以沙糖蜜水煮透全無苦味則
寒性盡失不識有益陰虛火動之病乎夫天門冬之

退陰火正取其味苦澀也若將苦澀之味盡去亦復
何益或慮其過寒少去其苦澀而加入細節甘草同
糖蜜共製庶以之治陰虛咳嗽兩有所宜耳清陳士
鐸本草

新編

庶物類纂
卷之八十五

庶物類纂草屬卷之八十五目次

天瓜 附天花粉

王瓜 附王瓜粉

菟瓜

庶物類纂
卷之八十五

本草綱目卷之五十一

天瓜

一名果羸爾雅 一名栝樓同上 一名蒞萋鄭夾深
一名地樓神農本草 一名澤姑名醫別錄 一名黃瓜同上

俗名革賴思烏里山城州 又名革而里伯耆州

本草綱目卷之五十一

草屬

天瓜

一

本草綱目卷之五十一

天瓜

果羸之實，栝樓。

爾雅○羸方果切

今齊人呼之為天瓜。

晉郭璞爾雅註

果羸之草，其實名栝樓，實即子也。故李巡云：栝樓，子

名也。郭云：今齊人謂之天瓜。本草云：栝樓葉似瓜葉，

形兩兩相值，蔓延青黑色。六月華，七月實，如瓜瓣。是

也。宋邢昺爾雅疏

今亦曰菴蔓。宋鄭夾漈爾雅註

栝樓陶隱居云：出近道，藤生，狀如土瓜，而葉有叉毛。

本草綱目卷之五十一

草屬 天瓜 二

本草綱目卷之五十一

詩云果羸之實亦施于宇其實今以雜作手膏用根
入土六七尺大二三圍者服食亦用之唐本注云今
用根作粉大宜服及虛熱人食之作粉如作葛粉法
潔白美好今出陝州者白實最佳臣禹錫等謹按爾
雅云果羸之實栝樓釋曰果羸之草其實名栝樓郭
云今齊人謂之天瓜嘉祐補註本草
栝樓生洪農山谷及山陰地今所在有之實名黃瓜
詩所謂果羸之實是也根亦名白藥皮黃肉白三四
月內生苗引藤蔓葉如甜瓜葉作又有細花七月開

花似葫蘆花淺黃色實在花下大如拳生青至九月
熟赤黃色二月八月採根刮去皮曝乾三十日成其
實有正圓者有銳而長者功用皆同其根惟歲久入
土深者佳鹵地生者有毒謹按栝樓主消渴古方亦
單用之孫思邈作粉法深掘大根厚削皮至白處寸
切之水浸一日一易水經五日取出爛搗研以絹袋
盛之澄濾令極細如粉去水服方寸匕日三四服亦
可作粉粥乳酪中食之本草圖經
羸與羸同許慎云木上曰果地下曰羸此物蔓生附

本草綱目卷之五十一
草屬 天瓜 三

本草綱目卷之五十一

木故得兼名詩云采贏之實亦施于字是矣栝樓即
果贏二字音轉也亦作菰藟後人又轉為瓜萋愈轉
愈失其真矣古者瓜姑同音故有澤姑之名齊人謂
之天瓜象形也雷斅炮炙論以圓者為栝長者為樓
亦出牽強但分雌雄可也其根可粉潔白如雪故謂
之天花粉蘇頌圖經重出天花粉謬矣今削之
明李東璧

本草綱目

栝樓其根直下生年久者長數尺秋後掘者結實有
粉夏月掘者有筋無粉不堪用其實圓長青時如瓜

黃時如熟柿山家小兒亦食之內有扁子大如綠瓜
子殼色褐仁色綠多脂作青氣炒乾搗爛水熬取油
可點燈同上

倪朱謨曰先君在粵飲酒多日忽患泄瀉粵人丘杏
山名醫也屢用健脾燥溼之劑泄瀉愈甚更用止瀉
之藥其病照常不減偶過友人薛東軒寓中有天花
粉散子彼因吐血一醫用天花粉一味搗爛用布袋
盛取漿瀝乾曬成白粉用白湯調數錢和白糖少許
日服二次先君過彼日渴索茶彼亦調一碗勸服勉

本草綱目

卷之五十一

草屬

天瓜

四

唐物類集卷之五

應彼意即覺腹中爽快是日晚不泄瀉次早懇彼一
包計十兩餘如彼法服之七日泄瀉竟止余細思此
係酒熱傷藏氣故泄瀉也服健脾香燥藥故轉劇耳
宜乎甘寒天花粉之與蜂蜜也同上
月令立夏之後十日王瓜生諸儒及本草多不詳識
明曰王瓜即栝樓也栝樓與土瓜形狀藤葉正相類
但栝樓大而土瓜小耳以其大於土瓜故以王字別
之爾雅諸言王者皆此類也今驗栝樓立夏之後其
苗始生正與月令文合故知先儒之說皆非也宋丘
光庭

兼明書

治腹脹小便不通菰萋不拘多少焙乾碾為細末每
服三錢重熱酒調下不能飲者以米飲調下頻進數
服以通為度紹興劉駐泊云魏邵知明州時宅庫妻
患此垂殆隨行御醫某治此藥令服遂愈宋王璆百
一選方
瓜萋根俗名天花粉本草有栝樓實一名地樓一名
果羸一名天瓜一名澤姑一名黃瓜生弘農川谷及
山陰地今處處有之入土淺者良生鹵地者有毒詩
所謂果蕨之實是也根亦名白藥大者細如手臂皮

本草綱目卷之八十五 草屬 天瓜 五

黃肉白苗引藤蔓葉似甜瓜葉而作花又有細毛開
花似葫蘆花淡黃色實在花下大如拳生青熟黃根
味苦性寒無毒枸杞爲之使惡乾薑畏牛膝乾漆反
烏頭救飢採根削皮至白處寸切之水浸一日一次
換水浸經四五日取出爛搗研以絹袋盛之澄濾令
極細如粉或將根曬乾搗爲麪水浸澄濾二十餘遍
使極膩如粉或爲燒餅或作煎餅切細麪皆可食採
栝樓穰煮粥食極甘取子炒乾搗爛用水熬油亦可
明徐光啓
農政全書

玄扈先生曰嘗過根本良藥同上

栝樓詩云果羸之實爾雅云天瓜本草云地樓蔓生
花淺黃色實在花下亦名黃瓜方家搗其根作粉入

劑八閩通志

栝樓詩所謂果羸之實是也根亦名白藥寧波府志

栝樓藤生根名天花粉瓊州府志

謹按瓊州府志江陰縣志並作栝樓他書皆從木
瓜萋一名栝樓爾雅曰果羸之實栝樓郭璞註曰人
呼爲天瓜今其根曰天花粉漳州府志

藥物類編 卷八十五 草屬 天瓜 六

瓜有刺者曰黃瓜。又栝樓實亦曰黃瓜。詩所謂果羸之實是也。月令四月王瓜生。非此。太倉州志

栝樓一名天瓜。蔓生。花淺黃色。實在花下。詩所謂果羸之實是也。江陰縣志

瓜萋仁子大如絲瓜子。殼褐色。仁綠。重修靖江縣志

栝樓一名瓜萋。一名澤姑。所在有之。三四月生。苗引

藤而上。葉如甜瓜。而窄作叉。有細毛。秋開花似壺蘆


花。淺黃色。結實在花下。大如拳。形有正圓。有尖長者

生。青熟赤黃。纍纍垂於莖間。亦稍可觀。清陳誤子秘傳花鏡

天花粉

一名白藥。本草綱目 一名瑞雪。本草綱目

本草綱目卷之五十一



天花粉

天花粉生明州味苦寒無毒主消渴身熱煩滿大熱
補氣安神續絕傷除腸中固熱八疸身面黃昏乾口
燥短氣通月水止小便利十一月十二月採根用

經圖

絲思邈法浸掘大根厚削至白一寸切水浸每旦易之
五日取出搗之以力貯以絹囊濾為玉液候其乾矣
可為粉食雜以粳糜翻起雪色似乳酥酪食之補益
又方取實酒炒為引腸風血下可愈

宋林洪山家清供

無功顯錄

卷之五十一

草屬

天花粉

二

括萋根淡掘大根削皮至白寸切水浸一日一換至五七日後收起搗為漿末以絹濾其細漿粉候乾為粉和粳米為粥加以乳酪食之甚補明高濂野菽品
宋宣和間有貴妃病嗽侍醫李姓者診治百計不効而痰喘愈甚面目浮腫如盤上臨幸見之淡以為憂責李三日不効取進止李技窮夫婦相泣中夜聞有賣藥者呼曰專治痰嗽一文一貼永不發李以十錢易十貼尚疑草藥性厲先以二貼自服之無恙旦攜以入一服而瘥比時如常上大喜兩宮賜賚逾千

緡李恐內中索方無以對亟令物色賣藥者以百金請其方曰我軍人也貧窮一身豈用多金哉李固予之曰此不過天花粉青黛二種耳此藥易辦故持以度日非有它也李拜謝之明謝肇淛五雜俎
稻樓藤生根名天花粉瓊州府志
謹按稻他書皆作枯

枯樓根曰天花粉泉州府志

天花粉味苦寒無毒蔓生十二月採根用寧波府志

天花粉即瓜萋根福寧州志

瓜類

天花粉以苦萋根為之重修靖江縣志

天花粉即瓜萋根上海縣志

天花粉蔓生葉類蒲萄而小異太倉州志

王瓜

一名鈎爾雅一名藤姑同上一名鈎瓢同上一名土

瓜神農本草一名老鴟瓜本草圖經一名赤雹子本草衍義

一名食葛吳都賦一名鷄齊爾雅一名鹿藿同上

一名黃斤同上一名新羅葛八閩通志一名麪葛重修

鎮江府志一名地瓜河間府志一名土葛寧洋縣志一名赤

包兒續醫說一名馬剝兒同上一名馬電兒同上

名野甜瓜本草綱目一名師姑草同上一名公公賢

同上一名落鴟瓜藥性要略大全一名毛桃花同上

無物類纂 卷八十五 草屬 王瓜 一

俗名革賴思烏里山城州又名己紫捏那理忽
賴同上

王瓜

鈎、葵、姑爾雅○葵音圭

鈎瓢也一名王瓜實如鮑瓜正赤味苦晉郭璞爾雅註

鈎一名葵姑一云鈎瓢也一名王瓜實如鮑瓜正赤

味苦本草云王瓜一名土瓜陶註云即今土瓜生籬

院亦有子熟時赤如彈丸根大唐本註云此物蔓生

葉似栝樓圓無义缺子如梔子生青熟赤但無稜爾

根似葛細而多糝是也宋邢昺爾雅疏

葵音睽即土瓜也一名王瓜宋鄭夾漈爾雅註

黃菟瓜 爾雅○黃音演

菟瓜 似土瓜 爾雅註

菟瓜一名黃苗及實似土瓜土瓜者即王瓜也月令

王瓜生是也 宋邢昺爾雅疏

即土瓜也俗呼新羅葛月令謂之王瓜黃音演 宋鄭夾際

爾雅註

謹按菟瓜郭註似土瓜鄭註即土瓜也今有一種似王瓜而非者乃是菟瓜也當以郭註為正然新羅葛之為土瓜得此一解足以證矣葛有衣葛有

食葛其種各別而衣葛亦名食葛甚易混

王瓜陶隱居云今土瓜生籬院間亦有子熟時赤如彈丸大根今多不預乾臨用時乃掘取不堪入大方正單行小小爾禮記月令云王瓜生此之謂也鄭玄云菟葵殊為繆矣唐本注云此物蔓生葉似栝樓圓無叉缺子如梔子生青熟赤但無稜爾根似葛細而多糝北間者纍纍相連大如棗皮黃肉白苗子相似根狀不同試療黃疸破血南者大勝也今按陳藏器本草云王瓜主蠱毒小兒閃癖痞滿并瘡取根及葉

搗絞汁服當吐下宜少進之有小毒故也臣禹錫等謹按爾雅云鈎藤姑釋曰鈎一名藤姑郭云鈎瓢也一名王瓜實如的瓜正赤味苦嘉祐補注本草王瓜生魯地平澤田野及人家垣牆間今處處有之月令四月王瓜生即此也葉似栝樓圓無叉缺有刺如毛五月開黃花花下結子如彈丸生青熟赤根似葛細而多糝謂之土瓜根北間者其實纍纍相連大如棗皮黃肉白苗葉都相似但根狀不同耳三月採根陰乾均房間人呼為老鴟瓜亦曰菟瓜謹按爾雅

曰黃羊善切菟瓜郭璞注云似土瓜而土瓜自謂之藤與藤同菟與姑同又名鈎瓢蓋菟瓜別是一種也又云菟物音菲亦謂之土瓜自別是一物詩所謂採葍採菲者非此土瓜也大凡物有異類同名甚多不可不辯也葛氏療面上非癩子用之仍得光潤皮急以土瓜根搗篩漿水勻和入夜先漿水洗面傅藥旦復洗之百日光華射入小兒四歲發黃生搗絞汁三合與飲不過三飲本草圖經王瓜體如栝樓其殼徑寸一種長二寸許上微圓下

尖長七八月間熟紅赤色殼中如螳螂頭者今人又謂之赤雹子其根即土瓜根也於細根上又生淡黃根三五相連如大指許根與子兩用紅子同白土子治頭風采寇宗奭本草衍義

土瓜其根作土氣其實似瓜也或云根味如瓜故名土瓜王字不知何義瓜似雹子熟則色赤鴟喜食之故俗名赤雹老鴟瓜一葉之下一鬢故俚人呼為公公賢與地黃苗名婆婆孀可為屬對明李東璧本草綱目

王瓜三月生苗其蔓多鬢嫩時可茹其葉圓如馬蹄

而有尖面青背淡澀而不光六七月開五出小黃花成簇結子纍纍熟時有紅黃二色皮亦粗澀根不似葛但如栝樓根之小者澄粉甚白膩須淡掘二三尺乃得正根江西人栽之沃土取根作蔬食味如山藥同上

蘇氏曰月令四月王瓜生即此也其根作土腥氣其實似瓜也李氏曰土瓜生平澤田野及籬墜牆垣處俱有四月生苗延蔓葉如栝樓葉但無叉缺有毛刺一說葉圓如馬蹄而有尖面青背淡澀而不光六

七月開單瓣五出小黃花成簇結子累累如彈丸皮粗澀生青熟黃赤其殼徑一寸長二寸上微圓下尖長七八月熟殼中子色赤如螳螂頭謂之赤電子其根如大指又生淡黃細根三五相連北方出者其子累累相連大如棗形狀稍有不同若療黃疸破瘀血南者大勝也明倪朱謨本草彙言

王瓜味苦氣寒無毒一云有小毒能發吐下其名實是土瓜王土字之誤也同上

謹按以王土字形相近故為此說誤也

葛蔓生與山葛同根特大美於芋也豫章間種之唐劉

良文選吳都賦註

葛曰雞齊根曰鹿藿曰黃斤而齒亦謂之鹿藿宋鄭夾際

昆蟲草木略

謹按鄭氏亦以雞齊鹿藿黃斤三名為食葛之別名

王瓜曰土瓜曰藤姑曰鉤瓢曰菲芴均房間曰老鴟瓜又曰菟瓜其根可生食類瓜故得瓜名月令王瓜生即此也而鄭玄以為菘葵誤矣爾雅言鉤藤姑郭

云鈎瓢一名王瓜是矣又言非芴又言黃菟瓜皆謂此也同上

雞齊一名鹿藿一名黃斤今之食葛非為絺綌者也其生延蔓甚者其蔓首至根可二十步人皆掘食之生食甜脆亦可蒸食有粉今江南人凶歲則掘取以禦凶荒大抵南康廬陵者最勝多肉而少筋甘美然當取入土深大者或又曰入土五六寸以上者名葛服之令人吐以有微毒也其花藤皆可醒酒而去酒毒服方寸匕飲酒不知醉博物志曰野葛食之殺

入家種之三年不收後旅生亦不可食吳都賦食葛香茅注云食葛蔓生與山葛同根特大美於芋也宋羅願爾雅翼

謹按羅願以衣葛食葛為二種雞齊鹿藿黃斤三名屬食葛與本草不同其說似可據也二葛根為粉色味俱佳所以易混

黃斤乃食葛非衣葛也羅願曰雞齊一名鹿藿一名黃斤生蔓延生食甜脆亦可蒸食今之食葛非為絺綌者也今南楚兩粵專採葛根作粉食此藤即可布

粉可作丸，曰葛粉。廣人以假西國米，能醒酒，或曰廣昌種葛如土瓜。明方以智通雅

羅氏云：葛生山澤，問其蔓延盛者，牽其首，以至根可

二十步，禹貢亦服。注云：草服葛越，葛花藤皆可醒酒。

又雞齊一名鹿藿，一名黃斤，其生延蔓，生食甜脆，亦

可蒸食，有粉。今之食葛，非為絺綌者也。明馮嗣宗六家詩名物疏

王瓜，即落鵝瓜，閩人謂之毛桃瓜。明鄭康寧藥性要略大全

王瓜一名落鵝瓜，一名土瓜，俗謂之毛桃。性青囊藥賦

王瓜生苦菜秀，非今作菜之瓜，其實小而有毛者，北

人呼為赤包兒，能治膈噎病者是也。一云馬剝兒，一

名馬鬣兒。式齊文集○明俞弁續醫說

土瓜一名新羅葛，藤似葛，根大者如碗，小者如拳，色

青白，味甘，可以解醒消渴。八閩通志

土瓜一名葛，食之醒酒，爾雅翼曰：鷄齊一名鹿藿，一

名黃斤，今之食葛，非為絺綌者也。吳都賦：食葛香茅

註曰：食葛，蔓生與山葛同，根特大，美於茅也。閩書

葛俗呼土瓜，肉如蘿蔔，味甜，苗生為藤，種者取藤斷

之作圈，埋之則生苗。泉州府志

土瓜按宋莆陽志謂之新羅葛其藤似葛其根入地

結為瓜狀色白而脆味甘香能解酒消渴邵武府志

土瓜一名新羅葛藤似葛根大如盂色青白味甘福州府志

葛根金壇人掘而蒸之以登俎豆謂之麩葛重修鎮江府志

土瓜野類何首烏雷州府志

土瓜即天花粉土人多取之肇慶府志

食葛即葛根也大如臂多汁謂之綿葛小者藤葛四

會高要山中甚多搗粉為丸貨之同上

土瓜一名葛食之醒酒爾雅翼曰雞齊一名鹿藿一

名黃斤今之食葛非為絺綌者也吳都賦食葛香茅

注曰食葛蔓生與山葛同根特大美於茅也漳州府志

謹按汀州府誌閩書同海澄縣志無爾字

地瓜又云土瓜河間府志

王瓜一名土瓜生籬院間子如彈丸根似葛細而多

糝月令云王瓜生是也江陰縣志

土瓜其藤似葛附根而生味甚甘美亦曰土葛寧洋縣志

本草綱目卷之八十五

王瓜粉

本草綱目卷之八十五

草屬

王瓜粉

一

王瓜粉

土瓜即天花粉土人多取之


肇慶府志

食葛即葛根也大如臂多汁謂之綿葛小者藤葛四
會高要山中甚多擣粉為丸貨之同上



菟瓜

一名黃雅爾



草屬

菟瓜

一

菟瓜

黃菟瓜 爾雅○菟音兔

菟瓜似土瓜 晉郭璞爾雅註

菟瓜一名黃苗及實似土瓜者即王瓜也月令王瓜

生是也 宋邢昺爾雅疏

即土瓜也俗呼新羅葛月令謂之王瓜黃音演 宋鄭夾滌

爾雅註

謹按昆蟲草木略亦云王瓜曰土瓜曰藤姑曰鉤
瓢曰菲芴房間曰老鴉瓜又曰菟瓜其根可生食

類瓜故得瓜名月令王瓜生即此也而鄭玄以為
菘蕒誤矣爾雅言鉤藤姑郭云鉤瓢一名王瓜是
矣又言黃菘瓜皆謂此也鄭氏以爾雅鉤藤姑非
芴黃菘瓜併為一物似誤也

王瓜均房間人呼為老鴟瓜亦曰菘瓜按爾雅曰黃
菘瓜郭璞注云似土瓜而土瓜自謂之菘菘又名鉤
藤蓋菘瓜別是一種也又云芴非亦謂之土瓜自別
是一物詩所謂採葢採菲者非此土瓜也大凡物有
異類同名甚多不可不辯也

本草圖經
王瓜條

